

Recipio 5/17

P III 318

20579

P19 Cp III 57.1

~~P19 Cp III~~

Р. III 278 Р. 19 Ср III 54. 1

15

СОБЕСЪДОВАНИЕ

О

ПРОИЗВЕДЕНИИ НА ПРЕСТОЛЪ ЕПАРХІИ

БАЧКІЯ

ВЫСОКОПРЕОСВЯЩЕННЪЙШАГО И ВЫСОКОДОСТОЙНЪЙШАГО

ГОСПОДИНА


СТЕФАНА СТАНКОВИЧА

ПРАВОСЛАВНАГО ЕПІСКОПА

БАЧКАГО, СЕГЕДІНСКАГО, И ЕГАРСКАГО,

ПРЕЧЕСТНЪЙШАГО ЖЕ А. Е. М. АППЕЛЛАТОРІУМА

СО - СУДІИ и пр: и пр:



Дне 30. Септемвріа 1834.

ВСЕПОКОРНЪЙШЕ ПОДНЕШЕНО

І. В.

С. и К. Г. М. Ѳ. П. Ч. К. Б. П.

161

ВЪ ВУДИМЪ

ПИСМЕНЫ КРАЛЕВСКАГО ВСЕУЧИЛИЩА УНГАРСКАГО.

Handwritten marks at the bottom left corner.

КОРРЕКТОРАМЪ

ВЪЗВРАЩАЮЩИМЪ НА ПЕЧАТЪ СЪВѢЩАНІЮ

ВЪЗВРАЩАЮЩИМЪ

ВЪЗВРАЩАЮЩИМЪ НА ПЕЧАТЪ СЪВѢЩАНІЮ

ВЪЗВРАЩАЮЩИМЪ

СТЕФАНА СТАНКОВНА

ПРАВОСЛАВНАТО ЕПИСКОПА

ВАХАНТО, СЪВѢЩАНІЮ, И ПЕЧАТЪ

ВЪЗВРАЩАЮЩИМЪ НА ПЕЧАТЪ СЪВѢЩАНІЮ

№ 223586



ВЪЗВРАЩАЮЩИМЪ НА ПЕЧАТЪ СЪВѢЩАНІЮ

И

СЪВѢЩАНІЮ, И ПЕЧАТЪ

ВЪЗВРАЩАЮЩИМЪ

ВЪЗВРАЩАЮЩИМЪ НА ПЕЧАТЪ СЪВѢЩАНІЮ

Д А Н И И Л Ъ.

Здравствуй о Сіраше друже треблаженный,
Коль сладцѣ ожидахъ шествія твоего,
Самъ бо сѣдъ въ прозоріи зрю измѣны рядки,
Ниже вѣмъ что значать, что ли намъ принесуть?
Возри и прорцы что тамо сыплются
Лучи свѣтлы? каква л' на востоцѣ заря
Послѣ ноци темной блистается дивна?
Не ли жалость наша черну совлекаетъ
Ризу Гедеоню, и новое солнце
Щастя Церковнаго поля озаряетъ?
За Сіономъ горою лице умывая,
Да свѣтлѣ възблеснетъ Стаду и Олтаремъ?

С і р а х ъ.

Пророчество твое Даниле драгій
Уне миѣ бываетъ утреннія росы,
Но прорцы друже что знамена сія
Востокъ намъ являетъ

Д а н и и л ъ.

Едва ожидаю
Давіда предрага, вчера въ градъ отшедша
Онъ бо по истинѣ въ градъ разумѣетъ,
Каковы новизны на востоцѣ блестятъ

С і р а х ъ.

Аще моя мысль не была бы лѣва,
 Узналъ быхъ азъ быстро востока торжество:
 Въ нощи въ сиѣ несохся въ Виѳлеемски страны,
 Исполнь веселія во восторзѣ дивнѣмъ,
 Текохъ соглядати Давідово стадо,
 Отрокомъ пасомо въ поляхъ презеленыхъ.
 Но увы что видѣхъ! скажу л' окаянный?
 Ужасна усмотрѣхъ гибельи знамена,
 Яже оплакаху усопша имена,
 Иоанна Владыку сладкопѣвца дивна,
 Иерарха славна чудна Гедеона,
 Иоанна обветша Митра исплѣваетъ,
 Жезль Гедеоновъ там' преломлѣнь лежитъ,
 По всей земли тиха одождѣла роса,
 Токмо само руно сухо Гедеона

Д а н и и л ъ.

Умолкии Сіраше! Твой сонъ умершвляетъ
 Ощутія сладка, сердце ми не хочетъ
 Тужныя жалости, но радостей волить.

С і р а х ъ.

Слыши Даниле и веселыхъ знамень:
 Изъ страшныхъ видѣній напрасно возблесну
 Предъ очесы мой' отверстое небо,
 Свѣтлыми звѣздами всюду испещрено,
 Отъ востока красны лучи просіяша,
 Пришествіе дневна Царя возвѣщавше.
 Все тихо и мило внезапно явися!
 Здѣ видѣхъ какъ звѣзды Солнцу кланяются,
 Яко снопи братій снопу Іосифову.
 Природа мѣнится въ свѣтлость облекшися,

Аки на торжество рѣсна готовится.
 Гласъ съ Небесе паде, и промчєся слово:
 Миръ новъ Виелєєму, радость нова Стаду,
 Отъ селѣ да будетъ до скончан'я вѣка.
 Стадо Хрістіанства Стефанъ да упасеть,
 Павла благовѣст'я ему да принесеть.

Д а н і и л ъ.

Не ты ли Пророкъ сый обща веселія
 Сіраше! Вѣмъ тебѣ Богъ вся открываетъ;
 Будуція тайны тобою являетъ,
 Что въ снѣ видѣлъ еси трепеть и ужаси,
 Мню смерть означаетъ Вожда Гедеона,
 Ему же съ небѣ вода не ороси руна.
 Что же видѣл' по томъ радость нечаяну,
 Мню Стефана ново пришествіе будетъ.
 Но вскорѣ намъ прійдетъ, и болше возвѣститъ
 Давидъ отрокъ кроткій.

С і р а х ъ.

Се вижу Давіда
 Сѣмо ходящаго, тому азъ на лицѣ
 Радость соглядаю, зри како шедъ плящеть,
 Аки б' предъ ковчегомъ или скинією
 Свидѣнія игралъ, мусикійски органъ
 Віеть веселяся.

Д а н і и л ъ.

О Давіде чадо!
 Как'ву вѣсть носиши? еле чаяхъ тебе,
 Да узнаю радость аще кою вѣси.

Д а в і д ъ.

Ты кто еси силне! что ли вопрошаеш'?
 Еда ли безвѣстно тебѣ о Даніиле
 Что Сірахъ предрече, егда сонъ являше.
 Его сновидѣнь'е въ истину прелися,
 Плачь преста и вопль къ гробу Гедеона,
 Франць воззва Стефана, и радость прострися,
 Сердца всѣхъ сладкія преисполнишася
 Утѣхи, ту роди плещутъ, веселятся,
 Въ струнахъ и Органѣ хвалу Богу несутъ,
 Ту миръ и ту правда облобизаются.
 Изъ тмы воста солнце Новый Садъ озари.
 Егарь и Сегединь и Бачкая поля
 Въ пучинахъ радостей проводятъ торжество.

Д а н і и л ъ.

Довлѣ о Давиде, но скажи намъ прямо
 Видѣлъ ли ты еси самага Стефана?

С і р а х ъ.

Гдѣ онъ родился? и что его жизнь?
 Каковый взоръ ему? кая добродѣтель?

Д а в і д ъ.

Стефанъ во Карловцѣ первый свѣтъ усмотрѣ,
 Гдѣ отъ младыхъ ногтей музамъ посвятился,
 Весь въ наукахъ вездѣ точно наляцаше,
 Въ вѣжествѣхъ и благихъ правѣхъ успѣваше.
 Онъ растяше тамо, крѣпляшеся духомъ,
 Дондеже великій всѣхъ Іерарховъ Стефанъ
 Свѣтило Церковно, Духовна цѣвница,
 Чудень сый Совѣтникъ, въ велможахъ зеркало,
 Велика названный той совѣта Ангель.

Юнаго упозна Стефана Всехвална,
Красна добротою вѣжествомъ обылна,
Надежду дающа.

С і р а х ъ.

Слыши мя Давіде
Не сей ли есть Стефанъ во Іерарсѣхъ сильный,
Иже впредь въ Пакрацѣ иночества искій,
Тихую обитель Ораховическу
Избра, жизнь цѣлу Богу посвятивый,
Небесны науки при Стефанѣ въ Фрушкой,
При Іосифѣ въ Славоніи клиру подаваше,
Гдѣ услуги милы Богу и народу
Сотвори и

Д а н и и л ъ.

Тако достоинъ назвася
Управляти тояжъ Архімандріекъ.
Ту дѣтели его, ту смепенность рядка
Просіяху въ земли тихой Славоніи,
Гдѣ многа чрезъ лѣта учя клиръ и народъ.
Познанъ стался Церквамъ, стался и Стефану,
Отъ негоже ока ничтоже сокрыся.

С і р а х ъ.

Вѣмъ азъ Даниле Судбы Стофановы,
Сей дѣль ради веліхъ въ Кроаціи бѣше,
Миръ тамо нарушенъ въ цѣлость приношаше.
Въ Епархіи Пакрачстѣй Іосифа заступи,
Пространныя мудрости знамена подаде.
Егда же въ Будимѣ ветхій деньми Старецъ
Чудный Діонусіи въ мѣста небесная
Преселися; единъ бѣ точию Стефанъ,
Кого за достойна обрѣте великій

Стефанъ общій Отець въ Будимь отсылати
Тамо сей новый Стефанъ

Д а н и и л ъ.

Умолкии Сіраше!

Знаю азъ съ Давідомъ его благостыни,
Въ Будимстѣй онъ Церкви служитель Олтаря,
Процвѣте подобень кедру на Ливанѣ.
Малыхъ и великихъ на себе обрати
Очеса, мужъ силенъ и словомъ и дѣломъ
Смирень съ пріятност'ю, точень съ добротою,
Примѣръ благостыни, зеркало духовно,
Добродѣтель Его промчесь по всюду,
Онъ Велможь пріязнь себѣ пріобрѣте,
Онъ любовь народа стяжа преизлиха.

Д а в і д ъ.

ФРАНЦЪ позна Стефана, и рече. Да будетъ
Престола Будимска пріемникъ достойный!
Ту Стефанъ нашъ едва кормило предвзяше.
И уже бѣ воля Франца веліяго,
Во важнѣйшихъ тогда Карлштадта дѣлѣхъ,
Вещь поползновену мудрому Стефану
Кесарскою дати повѣреностію.
Юже онъ доконча и въ правый приведе
Порядокъ, отвѣщавъ Царя удовольству.

С і р а х ъ.

Сице слава красна Стефанову вѣку,
Въ Вудимѣ, въ Карлштадтѣ въ Віенѣ просія.
Миль бысть Церкви своей, миль благому Царю
Имя его вездѣ — растѣ съ похвалою.

Д а н и и л ъ.

Но егда изволи Адонаи Господь
 Иосифа пресвѣтла ко себѣ вознести,
 Упразненъ же рещи Престолю Темишварскій.
 Затмѣніе потерпѣ Банатское солнце,
 Тогда велій СТЕФАНЪ, еже свѣтъ воззвати
 Помрачену тамо Церковному полю,
 Будимскому солнцу рече осіяти
 Банатски предѣлы. Ту Виенна свое
 Даде велѣніе, и Стефанъ Будимскій
 Озари, явлейся обоему стаду.
 Но когда Богъ велій велія Іерарха
 Гедеона дивна въ небесну житницу
 Возвести повелѣ. Того мановен'емъ
 Францъ утѣбзи славу свѣтлаго Стефана,
 Болею вышняго имъ дополни Престолю
 Щастливыйя Бачки.

Д а в і д ъ.

Тако есть о друзи,
 Тако растить слава Божія отрасли
 Стефана всехвална, сосуда избрана,
 Егоже зарями Будимъ и Темишварь
 Новый Садъ, и Церквей святилище блестятъ.

С і р а х ъ.

Отвѣщай Давіде на вопросы моя,
 Видѣлъ ли ты еси самага Стефана?
 Каковъй взоръ его? кая добродѣтель?

Д а в і д ъ.

Вчера въ градѣ бывый увидѣхъ торжество,
 Пѣнія и лики радостныя слышахъ,

Толпами усмотрѣхъ людей тамъ текущихъ,
 На лицѣ и челѣ радости носящихъ,
 Колесницу видѣхъ велелѣпно стройну
 Отъ коней везому златомъ испещрену.
 Ту Фічь-Геральдъ сѣдитъ, старецъ преизрядный,
 Лице Царя нося блеститъ яко заря —
 Небеснаго свода на сѣверномъ Полѣ!
 Усмотрѣхъ множество Священнаго клира,
 И юношъ и дѣвицъ и старыхъ и молодыхъ.
 Во брачныя ризы свѣтло оболченныхъ,
 И въ радости общей къ Стефану ходящихъ.
 Внезапу авися Стефанъ вождельный,
 Во одеждѣ свѣтлѣй препоясанъ дивнѣ.
 Главу его митра рѣсна увѣнчаетъ,
 Вворъ румяный неба зарю надвышаетъ,
 На персѣхъ ношане чины освящены,
 На обѣ же странѣ прибредренникъ святой.
 Въ руцѣ кадилницу смирною воиящу
 Держаше, обоей благословъ даяше.
 Егда же трикиллы взяше горящія,
 Возблесну подобенъ звѣздѣ повечернѣй,
 Яснѣй отъ луны прямо Дебри Елонь,
 И лѣпшій отъ Солнца прямо Гаваона.
 Пойде во храмъ святой да жертву вознесеть!
 Ту лица ту пѣсни гремятъ безчисленны,
 Кампаи звѣняють, прахъ пушечный всюду
 Глашаетъ торжество. Вся тамъ превзидоша
 Понятія, яже ни око не видѣ,
 Ни ухо не слыша, ни ощути сердце.

Д а н и и л ъ.

Дивно видѣніе щастливый Давіде!
 Но повѣждь намъ далше, каковы обряди
 Въ Церкви святѣй бяху? кто ли же возведе
 На престоль Стефана?

Д а в і д ъ.

Баронъ Фіч-Гералда

Слышаль еси имя, Воя Кесарева?
 Сей сынъ есть Англии, Витязь же Аустрійскій,
 Петрова сый града Властелный Началникъ,
 Того Франць намъ посла да именемъ Его
 На престоль возведеть Церковныя славы
 Стефана премудра, дыку несравнену.
 Той велѣ прочести Граммату Кесаря,
 Еюж' Владычество Стефану дарова,
 И принесе ему власть полну надъ всѣми
 Церквами святыми Бачки Діецезы,
 Власть полну правляти Клиромъ же и Стадомъ,
 Тѣи ему покорность, въ семь послушаніе
 Да имуть отдати.

С і р а х ъ.

Убо самъ Фіч-Гералдъ обряды творяше
 Прямо Царскихъ негли велѣній, даяше
 И Церковну область бодрому Владыцѣ?

Д а в і д ъ.

Не тако Сіраше, Стефанъ посла тамо
 Съ Грамматою блага Максима Владыку
 Коея силою новому Стефану
 Церковную даде власть даную въ вышше.
 Здѣ слова гремяху, здѣ Вітїи силни
 Въ бесѣдѣхъ изрядныхъ всю силу всю сладость
 Въ слышающихъ сердца полно изливаху.
 Стефана сѣдяца на Амвоцѣ святѣмъ,
 Вѣнецъ Священниковъ воздвиже трикраты,
 Толь краты пѣвающъ премногая лѣта.


Ту воста Фіч-Гералдъ съ нимъ воста и Максимъ,
 Къ Стефану пришедша руцѣ 'му подяста,


Къ Архіерейскому вѣдуще Престолу.
 Предадоша Престоль и съ нимъ власть обою.
 Стефанъ въ Престоль сѣде, и отъ часа того
 Пастырь наречеся Бачки щастливья,
 Сѣдищъ на Престолѣ довѣино Священство
 Къ руки лобзанію едино пушаше,
 Сей тому бѣ конецъ торжеству пресвѣтлу.

Даніилъ, Сірахъ, и Давіидъ.

На многа да живить Стефанъ новый лѣта,
 И мудраго стаду подаетъ совѣта;
 Той упасеть Церковь Всевышняго Творца,
 Сломіеть свирѣпа роги Ратоборца,
 Кто противу Церкви, кто противу вѣры
 Возстати дерзаетъ безъ ума и мѣры.
 Вся грѣхи, всякъ порокъ сотреть и разбіеть,
 Ниже да кто подасть, яко воду піеть
 Дѣло беззаконно, ил' изречеть слово
 Законнопреступно; но всюд' Давіидово
 Вѣщаніе сѣть, садить благостыню,
 Напаяетъ божествомъ тощюю пустыню.
 Да сице процвѣтетъ Богови и Царю,
 Пречистую вѣры да соблюдетъ зарю,
 Самъ сый заря свѣтла ясна и препѣта,
 Щастень да поживетъ безчисленна лѣта.







БИБЛИОТЕКА МАТИЦЕ СРПСКЕ

Р19 Ср III 54. 1